

VI. ԳՈՐԾԱՌՈՒԹԱԿԱԶՄԱԿԵՐՊՉԱԿԱՆ ԳՈՐԾՈՒՆԵՈՒԹՅՈՒՆ

2010 թվականի ընթացքում հրավիրվել է ՀՀ ՎՊԽ 16 նիստ: Նիստերի ընթացքում քննարկվել է 64 հարց և արդյունքում ընդունվել է 101 որոշում, այդ թվում՝ 62 նորմատիվ և 39 անհատական:

ՀՀ ԱՎԾ համակարգում աշխատանքի բաժանումն ու մասնագիտացումն իրականացվել է ինչպես գործառության (ճյուղային և բնագավառային վիճակագրություն), այնպես էլ օպերացիոն (տեղեկատվության օպերատորական մուտքագրում, ստուգաճշտում, խմբավորում, ամփոփում և տրամադրում) սկզբունքներով: Բացի այդ, կիրառվել են նաև ունիվերսալ մասնագիտացման (գյուղացիական տնտեսությունների, հասարակական և սոցիալական խմբերի ինտեգրացված հետազոտություններ) սկզբունքները:

ՀՀ ԱՎԾ աշխատակազմի աշխատակիցների մասնագիտական որակական կազմը բնութագրվում է բարձրագույն կրթությամբ կադրերի գերակշռությամբ՝ 90.7%, որից 45%-ը տնտեսագետներ են: Աշխատողների 26.6 %-ը տղամարդ է և 73.4 %-ը՝ կին:

ՀՀ ԱՎԾ աշխատակազմում 2010թ.-ին աշխատանքի է ընդունվել 39 մարդ, նրանցից՝

- քաղաքացիական ծառայության պաշտոններում՝ 19, այդ թվում՝ արտամրցութային կարգով՝ 3,
- քաղաքացիական ծառայության ժամանակավոր թափուր պաշտոններում՝ 17,
- ծառայության գրասենյակում՝ 2,
- տեխնիկական սպասարկում իրականացնող աշխատողներ՝ 1:

ՀՀ ԱՎԾ աշխատակազմում 2010թ.-ին աշխատանքից ազատվել է 29 մարդ, նրանցից՝

- քաղաքացիական ծառայողներ՝ 21,
- քաղաքացիական ծառայության ժամանակավոր թափուր պաշտոնի նշանակվածներ՝ 5,
- ծառայության գրասենյակում՝ 2,
- տեխնիկական սպասարկում իրականացնող աշխատողներ՝ 1:

Վերապատրաստվել և ատեստավորվել են հետևյալ թվաքանակով քաղաքացիական ծառայողներ.

Քաղաքացիական ծառայության պաշտոնների խմբեր	Վերապատրաստվել են	Ատեստավորվել են	Ատեստավորման արդյունքում չեն համապատասխանել զբաղեցրած պաշտոնին
Գլխավոր	15	22	-
Առաջատար և կրտսեր	80	87	3
Ընդամենը	95	109	3

ՀՀ ԱՎԾ աշխատակազմի քաղաքացիական ծառայության թափուր պաշտոնները համալրելու նպատակով ՀՀ ԱՎԾ աշխատակազմում անց է կացվել 16 մրցույթ:

«Քաղաքացիական ծառայության մասին» ՀՀ օրենքով սահմանված կարգով ՀՀ ԱՎԾ նախագահի կողմից առավելագույն դասային աստիճաններ են շնորհվել 24 քաղաքացիական ծառայողի: ՀՀ ԱՎԾ աշխատակազմի ղեկավարի կողմից համապատասխան դասային աստիճաններ են շնորհվել 20 քաղաքացիական ծառայողի, իսկ առավելագույն դասային աստիճան՝ 7 քաղաքացիական ծառայողի:

Կատարելագործվել է ՀՀ քաղաքացիական ծառայության խորհրդի և ՀՀ ԱՎԾ միջև էլեկտրոնային տեղեկատվության փոխանակման արդյունավետությունն ապահովելու նպատակով ներդրված «Մարդկային ռեսուրսների կառավարման տեղեկատվական համակարգ» (ՄՌԿՏՀ) ծրագիրը:

Միջնաժամկետ ծախսերի ծրագրի (ՄԺԾԾ) հայտի համար հաշվարկվել է 2011, 2012, 2013 թվականներին ՀՀ ԱՎԾ աշխատակիցների համար սահմանվող պաշտոնային դրույքաչափերը և հավելվածարներն ըստ հիմնական աշխատավարձի հաշվարկման սանդղակի համապատասխան գործակիցների:

ՀՀ ԱՎԾ նախագահի՝

- 24.12.2010թ. թիվ 152/Կ-Ա հրամանով հաստատվել է ՀՀ ԱՎԾ «Պետական վիճակագրական տեղեկատվության հավաքագրում» ծրագրի 2010թ. աշխատատեղերի ցուցակը,

- 24.12.2010թ. թիվ 151-Ա հրամանով հաստատվել են ՀՀ ԱՎԾ և աշխատակազմի կառուցվածքային ու առանձնացված ստորաբաժանումների ներքին կառուցվածքը և հաստիքային միավորների թվաքանակը՝ հաստիքացուցակը, ՀՀ ԱՎԾ աշխատակիցների 2011թ. հունվարի 1-ից գործող պաշտոնային դրույքաչափերը և հավելվածարները,

- 30.12.2010թ. թիվ 10-Մ հրամանով հաստատվել են ՀՀ ԱՎԾ աշխատակազմի Մարդահամարի գործառնական ստորաբաժանման հաստիքային միավորների թվաքանակը (հաստիքացուցակը) և պաշտոնային դրույքաչափերը:

Ի դեմս ՀՀ ԱՎԾ նախագահի և աշխատակազմի ղեկավարի՝ կնքվել են աշխատանքային պայմանագրեր և համաձայնագրեր Մարդահամարի վարչությունում, «Պետական վիճակագրական տեղեկատվության հավաքագրում» ծրագրում և քաղաքացիական ծառայության ժամանակավոր թափուր պաշտոններում նշանակված աշխատակիցների հետ:

ՀՀ աշխատանքի և սոցիալական հարցերի նախարարություն է ներկայացվել տեղեկատվություն՝ ՀՀ կառավարության կողմից ՀՀ աշխատանքի շուկայի վերլուծության նպատակով միասնական համակարգի ստեղծման ծրագրով հաստատված ձևերին համապատասխան:

Իրականացվել է ՀՀ ԱՎԾ հայտարարատու ղեկավար աշխատողների և նրանց փոխկապակցված անձանց կողմից ՀՀ կառավարությանն առընթեր պետական եկամուտների կոմիտե ներկայացվող հայտարարագրերի ժամանակացույցի վերահսկում:

Պետական կենսաթոշակային սոցիալական ապահովագրության համակարգում անհատական հաշվառման ներդրումն ապահովելու նպատակով, ՀՀ աշխատանքի և սոցիալական հարցերի նախարարության ՍԱՊԾ տարածքային կենտրոն է ներկայացվել ՀՀ ԱՎԾ աշխատակազմի և «Պետական վիճակագրական տեղեկատվության հավաքագրում» ծրագրի ապահովագրված անձանց՝ մինչև պարտադիր կենսաթոշակային սոցիալական ապահովագրության համակարգում հաշվառելի ընկած ժամանակահատվածում ձեռք բերած ապահովագրական (աշխատանքային) ստաժի հաշվարկման մասին տեղեկատվություն:

Ուսումնա-արտադրական պրակտիկա է կազմակերպվել Հայաստանի պետական տնտեսագիտական համալսարանի, Ռուսաստանի տորիզմի և սերվիսի պետական համալսարանի Երևանի մասնաճյուղի, Ռուսական-Հայկական ժամանակակից հումանիտար ակադեմիայի, Ռուս-Հայկական (Սլավոնական) համալսարանի, Երևանի պետական համալսարանի Իջևանի մասնաճյուղի, Գավառի պետական համալսարանի, Եվրոպական կրթական տարածաշրջանային ակադեմիայի, Հայաստանի պետական տնտեսագիտական համալսարանի Գյումրիի մասնաճյուղի, Հայաստանի Հանրապետության «Անանիա Շիրակացի» միջազգային հարաբերությունների համալսարանի, Ռուս-Հայկական ժամանակակից հումանիտար ինստիտուտի, Հայաստանի պետական ագրարային համալսարանի, ՅՈՒ ԷՍ Ի ԷԼ համալսարանի, Կառավարման և ինֆորմացիոն տեխնոլոգիաների համալսարանի և Երևանի ինֆորմատիկայի պետական քոլեջի թվով 287 ուսանողների համար:

Վիճակագրության Համաշխարհային օրվա կապակցությամբ և բարեխիղճ աշխատանքի համար ՀՀ ԱՎԾ նախագահի հրամանով 1 աշխատակից, իսկ ՀՀ ԱՎԾ աշխատակազմի ղեկավարի հրամանով 53 քաղաքացիական ծառայող և 42 աշխատակից խրախուսվել են շնորհակալագրերով: